

崑山新陽合志卷第三十一

列女^上

崑山列女舊志紀載無多大抵信而有徵乙酉之變義烈幾於滿城前人雖有成書玉石無由確攷自雍正以來

朝廷旌典易邀以完節聞者遂至不可勝紀亦少濫矣今採錄其有事蹟者至例所當書亦各存其姓氏焉

宋

李處道妻龔氏都官員外郎宗元女有文學讀書通大義賦詩作字皆過人晚年自名曰守安處道年高而宦不達龔能安之二子抗援篤學有文皆龔所親教云

方鵬志

崑山新陽合志

卷第三十一 列女

王氏監察御史葆之女以夫周必大貴累封益國夫人自少敏慧高潔女工儒業下至書算無不洞曉然非所好惟以孝謹靜順為心祖母史耄期臥疾喜怒不常左右莫敢近夫人晝夜奉湯藥不憚勞苦獨得歡心初歸必大官微祿薄善能節損迨居館職相與商論古今手抄經史課兒讀書每至丙夜與必大相待如賓常言富貴非吾所欲若得歸隱林泉世務不入乎耳是吾心也其識見明達如此

方志

元

茅氏都水監朱虎之妻也虎坐事籍其家吏錄送茅氏及二子赴京師沒屬官醫提點卹且茅氏誓不失身與二

子衣裾連結晝夜抱持號泣不食者數日師屢以勢臨之終不能奪虎故人王大卿等合錢贖回寓於永安尼寺悲憂成疾卒詔旌表之仍錄付史館知州揭傒斯爲立石墓上

方志○按茅氏崇明人事見元史方志以虎家太倉當時地屬崑山故載入

周氏太倉人贅張氏父爲百夫長謀刺其帥事泄夷其家父母及夫皆死次縛周於武陵橋將斬之時年十七而美帥之子悅焉語之曰能從我活汝命周怒曰豈有父母及夫皆死而我獨生者乎帥子又曰苟從我當葬若父母與夫周益怒曰我惟知死耳他無望也帥子拔刀磨其頸曰汝不從斷汝首啖汝肉周厲聲罵曰不義賊乃欲汚我耶帥子憤而殺之至正十六年也

姑蘇志方志合參○

崑山新陽合志

卷三十一 列女

二

按姑蘇志作周氏贅張氏蓋其夫姓張贅于周也方志改作周烈婦張氏非是

謝烈婦沈度一妻也年二十八孀居將終焉至正壬辰三月十三日海寇方谷珍剽掠女婦甚衆謝度其姿容不可免而寇進益急謝曰河去舍遠吾不能赴水以全屍苟得全吾志可矣因積薪縱火自焚寇退家人得其骨葬之明成化中陸鉞表其墓

顧潛志

明

薛氏銀工女嫁縣小吏邵某洪武初邵坐法當死送京師婦時年二十餘蒙垢莫能掩其麗將行押卒見而悅之謂邵曰若欲生致都下盍使事我否則促死矣邵懼曰如命乃密呼婦語故婦曰吾身潔汗君不可得復主矣

佯應曰諾是日盛備酒饌飼郤至暮遂自經於粉閣中
隣里解其屍葬之今塚在西湓瀆村彭氏菜園內卽當
時粉閣也事久湮沒天順八年進士鄭文康得於九十
表姑葉氏之言爲作傳侍郎葉盛諭德陸鉞皆爲文表
之顧志

鍾氏孝子陸安妻與安婚纔浹旬值安父德甫以事逮至
京師議大辟安謂鍾曰吾不忍吾父死吾將代之汝再
適人當以一麥飯致吾墓而去鍾曰吾有以處此矣後
德甫持安骨歸鍾抱哭盡哀卽自經死方志

嚴華妻陶氏年二十二夫死寡居終身年五十二洪武七
年旌顧志

崑山新陽合志

卷三十一 列女

三

范安妻凌氏年二十二夫亡依母居誓不再醮五十五歲
卒子真以狀聞洪武十六年旌顧志

水德妻李惠性貞靜不妄言笑年十九而嫁二載夫亡誓
死不二里人爭聘者十數不爲動或勸曰汝年少無子
老將何依李曰夫者天也天可二乎夫死無子命也若
亟去勿污我遂自經其姊護之得不死後無敢再議者
洪武十年以同籍兄事逮繫至京任事者脅之曰若適
人則可全李忿曰吾不以危難棄禮義雖萬死無悔上
官高其行以聞得護送還鄉時家業已沒於官李依所
親僦屋寄居紡績自給又食其兄姊之孤女三人洪武
三十年旌表陳潛夫傳其事姑蘇志方志
參陳潛夫傳

鄒麟妻沈氏洪武中麟沒於陣沈誓死不二鄰媪或諷其
青年無子可更爲身計輒泣然曰移天而覲非望獨何
心耶指所居室曰必死於此家貧不能自存志益堅確
竟以哀毀成疾年二十八卒顧志

胡原妻錢氏幼讀孝經知大義洪武末原戍雲南逋竄事
覺坐棄市錢與訣曰君萬里歸爲妾耳今君死妾何獨
生至夜分遂自縊年二十八袁華爲傳方志

唐士則妻曹氏甫有子在襁褓內士則商死鄱陽湖曹寡
居四十餘年舅目眚姑寢疾扶持奉養無少怠處喪葬
皆以禮人稱節孝秦約爲之傳方志

陳氏小民陳演女黃福安妻福安育於同里浦均茂家年
崑山新陽合志 卷三十一 列女 四

十八娶陳配之生子未期福安卒將殯陳攜孤撫棺哭
甚哀至夜遂經死時宣德四年也顧志

王友諒妻陳氏宣德年旌

潘紹宗妾金氏紹宗病卒金恐招侮卽屏膏沐有古貞婦
風里人欲謀狀其行以表厥里居金聞而止之曰不可
朝廷著令二十九得聞三十不得聞也里人曰降一歲
在我無難金曰此非吾心所安遂寢不舉年八十餘而
終方志○按姑蘇志金氏作金增

王素湖涇農家子年十四嫁朱佩越四年夫亡父母憫其
早寡無子潛以適人婦覺之遂縊姑蘇志

顧氏女太倉人父母早亡鞠於叔父初許嫁王氏未醮而

徐孝妻潘芳真年十七嫁孝逾年夫亡躬勤紡績矢死不
貳越五十不踰戶外鄉人稱之顧志

周暄妻黃寧舉人鐸之女年十九適暄二年暄卒矢志不
貳姑病痿十餘年不可舉動寧百方求療弗愈有老嫗
謂寧曰我聞觀音大士願力甚大事之當得感應於是
肖大士像晨夕百拜凡五年忽夢大士曰汝每九日扶
姑起坐以七度為止痿則愈矣時姑病篤聲觸即死甚
難之然不得已如其法扶起漸覺不難至第七度掖至
大士像前爐香忽躍起踰梁而下正中姑腦有聲如雷
由是步履如常人咸稱孝感縣令羅永年遺米二十斛
以助其養及卒李應禎表其墓曰節孝方顧二志合參

崑山新陽合志

卷三十一

列女

六

錢氏航凍涇祝晟妻年二十六祝卒自少至老瑩然無垢
端莊靜重壽考而終葉盛鄭文康同往拜之鄭有詩曰
畫船撾鼓渡江沙江上來尋節婦家莫怪到門輕下拜
要令田野辨龍蛇方志

張元甫妻楊氏年二十而寡無子貞風雅操峻潔過常年
七十餘卒天順間詔旌其閭方志

刑部主事盧瑛妻夏妙清太常臬女瑛卒氏年二十四奉
寡姑撫懷抱子不出門戶者垂五十年成化五年旌顧志

夏衡妻吳氏年二十衡卒矢志守節弘治十一年旌王志

進士張經妻龔貞年二十七經亡奉姑教子孀居五十餘
年皦然不滓子希賢以學行稱龔之訓也弘治中詔旌

楊德蘭平陽知縣楷之次女少許嫁戴忠忠者云
必得喜而後愈忠家遂迎以歸值忠病劇弗克成禮未
踰月而忠卒德蘭始年十六安於夫家常依寡姑頃刻
不離母使人諷之遂拔髮自誓竟不歸寧歷三年姑病
時疫家人畏莫敢近德蘭日奉湯藥扶掖卧起因染疫
而卒方志

王原甫妻徐氏太倉醫家女少諳脉藥尤明小兒科嫁二
年原甫病卒一女始晬舅姑又被逮至京氏年二十誓
撫孤女女既髻又卒乞養趙氏女爲女越數年招婿無
何婿又亡伶仃孤苦與養女更相爲命日惟賣藥自給
年八十六終方志

崑山新陽合志

卷三十一

列女

八

訓導諸敏妻龔氏幼有淑德不苟言笑年二十三歸敏僅
六年而敏卒貧且無子龔能甘淡泊躬勤績紉以供祭
祀撫孤女咸有所託勞苦三十餘年年六十五卒顧志

胡致霖女名淑寧年十九許嫁楊皓皓商於外十七年不
返淑寧不嫁已而訃聞乃泣曰吾命矣夫於是求者接
踵父祖強之堅不從恪守志節以終其身絕無纖纒方志

王銀妻吳氏叅政愈之女稟性淑慎讀書嫻禮銀卒子同
祖甫三歲吳不御膏沐不聽音聲中外問遺悉屏不與
數年同祖有知始理故篋出遺書以訓之比入官則勉
以立身慎行後封太孺人乃卒文徵明誌其墓王志

張誥妻盧氏

夜績每竟則以筐置戶外仍闔其廬里人見之曰此節婦紅也爲售錢易米薪餘錢仍布苧置戶外氏乃啓戶取之進士諸邦憲魏出也以名教自任重氏節時饋問所受惟瓜蔬邦憲一日往邀氏歸不許復令其妻固邀之氏乃至至則邦憲夫嬾盛服出迓肅氏入具盛饌氏怫然曰吾以甥爲廉今如此豈矚然不滓者耶不顧而返

府志

庠生王時雨妻項氏年二十四夫亡守節不渝姑老子幼備歷艱苦年六十八嘉靖二十年旌子任用丁未進士

有傳

王同祖志

楊承宗妻盛氏承宗幼失父其母納惡少沈氏子爲後夫

崑山新陽合志

卷三十一

列女

十

見氏色美屢挑之弗從他日計使承宗遠出氏泣語其母曰夫旣出其人必污我有死而已母曰汝立志堅定但謹避之耳無徒死也惡少果以深夜入其寢逼之氏竭力撐拒且哭且譟聲聞比鄰惡少怒甚批其頰流血乃去氏卽閉戶自縊死平明覺之負其屍寘積薪中竊其服飾逃焉氏死年二十嘉靖壬辰十二月十一日也

矯亭存稿

丁潮妻許氏舉人丁子載母年二十四夫亡幼子四煢煢撫育凡四十年年六十三卒先是其家園池素植紅蓮一夕盡變爲白觀者異之以爲許氏素抱明潔所以闡發幽光也石川張寰名其堂曰徵潔作銘以遺之

志

愈天衢見婦有癍痕固問之婦不敢隱後三年果死歸有光爲文弔之

董志稿

尤氏貢生鏞女嫁諸生趙一鳳早死將殉之顧二子方襁褓爲強食二子復殤慟曰可以從夫矣痛夫未葬卽窆窀穸惡少艷其色訾其目曰彼盼美而流烏能久也婦聞之夜取石灰按目血出立枯寘棺自隨夫葬畢卽自縊或解之乃觸石裂額趨赴棺中死

明史

太學朱端禧妻顧氏文康鼎臣女歸朱不久夫卒無子二女撫孤事姑再更三年喪哀禮甚至已而女又亡以從子世揚爲後日夕課讀相對黯然年六十七卒

歸有光墓誌

庠生劉在妻顧氏御史潛女年二十二寡守節至隆慶元

崑山新陽合志

卷三十一

列女

三

年年六十矣疽發於乳家人請療氏曰婦人體可令男子見乎遂以麻縷百結其身不食數日卒

張氏顧文康鼎臣妾京師籍生子六歲鼎臣卒氏年二十三將隨喪南歸父母或沮之女哭曰吾守吾志獨苦有子耳不有子者吾死矣屏居一室終身縞素年七十一卒

卒

馮時可傳

庠生吳羽妻張氏年十九夫亡遺男孝甫方二歲張撫之成立織麻以養舅姑爲夫營葬苦節五十年隆慶三年旌

旌

董志稿

沈瑞妻胡氏年二十三而寡撫孤女贅壻王珀坐其兄逋累繫獄五載衆議改嫁其女胡執不從賣麵丸以贖壻

最爲辛苦會倭亂提攜老幼奔走江鄉繼以大水俯仰之需皆出氏十指中堅苦之操久而彌著及孫錫璠生周卽識之曰此子必成名進士苦節四十八年萬歷三十三年旌

董志稿

楊一夔妻顧氏嫁三年一夔被酒出浴溺死氏痛其非命必欲死之其舅日森以撫孤勉之無何子又死乃自經於牀姑救之復甦日森大呼曰新婦獨不念我二老人耶因痛哭七年日森死氏念姑雖老病幸有四女足相慰解以已在反爲累一日伺姑偶出卽距戶更新衣自縊衣裳三襲皆縫合先是葬一夔預爲已壙死之日卽合葬焉年三十一

董志稿

崑山新陽合志

卷三十一

列女

十四

歸善世妻陳氏年十九嫁二年善世疾亟遣歸與母居氏泣曰妾無歸理君卽死當隨君善世死卽拔劍欲自裁母抱持奪劍謂母曰兒已許夫死矣自言宜死者四無子宜死年少宜死舅姑老異日無依宜死舅姑自有子奉養無須我宜死母守之三日夜又謂母曰兒一刻生卽一刻如刀刺願聽兒死婢以糜進則以置善世前曰君食我亦食含屍以玉弭留一自含曰九泉以此爲信母知其不可奪乃從之相對縫裳市棺治殮後善世死五日沐浴更衣出拜舅姑歸寢縊死其辭舅姑也以衰其縊也以殮服時萬歷三十三年十月十四日也

董志稿

太學生張必昇妻陳氏鄉民陳鑛女年十八嫁未幾必昇

死氏誓不食姑沈氏亦不食相持七日大慟曰吾死姑矣勉復食奉姑三十年姑卒喪葬具禮貧無所歸乃歸父家時鑛夫婦亦老且貧氏以十指自給又三十年御史旌其門賜粟帛歷二十四臺皆恤焉氏生於正德十一年卒於萬歷三十八年年九十六守節者七十九年

董志稿

顧懋宏妻朱柔英懋宏官知州有才名而柔英與之揚摧古今倡和爲聲詩所著雙鳥擣衣二賦及三體諸詩音節逼唐人刻有雙星館集

府志

王伯極妻沈氏學憲紹慶女伯極早死氏慟哭如禮喪殮外絕不問生產後翁運使三接授千金給日用氏泣曰

崑山新陽合志

卷三十一

列女

五

寡媳挾重貨適誨盜而賈禍耳謝去之獨身閉一室中令兩嫗通飲食年七十五卒

邑志

顧應元妻房氏婚甫一年應元與父早出氏與姑臥樓上黎明隣舍失火將延及氏驚醒亟束衣起以甕下其姑而氏以皇遽弗及中衣欲還服之入樓灼死應元歸發藥得氏屍下體燼而上體儼存

微顯志
叅府志

支纘武妻陳氏婚一月纘武病將死語妻父曰妻年卜必嫁之旣殯氏絕粒十有一日死事聞旌表建祠學宮之

右府志

贈光祿卿謚忠愍張振德妻錢氏暨二女淑昭淑慶振德知興文縣妻女並隨官舍天啓元年奢酋陷興文振德

命錢及二女各持一刀坐後堂曰若輩死此吾死前堂
俄而賊縱火孺人與二女先刎死振德令家人亦舉火
火熾自頸一門死者十二人

府志餘詳
烈愍本傳

監生周汝夔妻徐氏

夏有璠妻沈氏

姜渭枝妻王氏

陸明孝妻金氏

比天啟年旌

監生王甘節妻支氏贈僉都御史良知女甘節幼病瘵支

每籲天請代歷十載卒時年二十七撫六歲孤家柱局

處小樓紡績自給家柱爲州學生又早死支撫其孫又

十年年七十七卒天啟六年旌

董志稿

庠生徐應時妻諸氏生子永光方十歲應時死氏年二十

崑山新陽合志

卷三十一 列女

六

九毀瘠自誓課子讀書永光爲諸生有名孫開禧成進

士開裕登賢書皆氏之教也崇禎元年開禧請於朝得

旌表

董志稿

王嶽妻顧氏幼稟家訓嫻書史所爲詩文動中格律已而

嶽早世屏去筆硯焚其稿惟關節孝慈懿事間援筆爲

之督遺孤棨爲名孝廉

通志

方夢嘉妻瞿氏教諭良學女生一子一女夢嘉病死瞿晝

夜泣不成聲有姨母強其改適瞿私謂其女曰若與弟

善事祖母餒無啼吾死毋更殮可以擔土葬汝父傍女

穉小不甚防守黎明不見母而泣已投繯空舍中絕矣

崇禎二年二月二十日事

董志稿

諸繼祥妻陸氏年十六歸諸諸之族叔有宗性姦淫居道
褐浦慕陸謀與同居數挑陸陸每密防之一日天未明
呼繼祥出市乘間踰墻入抱持求合陸厲聲大呼宗始
捨去繼祥歸泣告之懦弱不敢伸憤乃距戶自經死年
二十一繼祥訟之官宗行賄求庇卒不得白崇禎三年
四月事董志稿

王協嘉妻魏氏崇禎三年旌

何瑜枝妻張氏都給事棟女年十七嫁甫閱月夫病瘵死
氏請殉棟曰既爲人婦殉固當其如我與舅姑何氏乃
毀瘠持喪三千里歸葬何氏墓及棟以言事歸氏請於
舅姑歸依其母然修婦禮具備姑王氏每受某餉淚輒

崑山新陽合志

卷三十一 列女

七

數行下舅歿氏洗橐以佐含殮撫嗣子溫然慈而有法
守節五十六年年七十三卒崇禎五年旌董志稿

王志周妻顧氏震憲女年二十七夫亡緝績孝養其舅者
十五年養其姑者二十五年沒而經紀其喪崇禎二年
巡按御史旌之年六十五卒董志稿

任鳳鳴妻蘇氏年二十七夫死遺孤五歲家又赤貧上事
舅姑下撫其子皆取給於織紵舅姑沒喪葬備極艱辛
卒年五十四崇禎五年郡守旌之董志稿

周貞女邑諸生周豸女幼許字王道正年十五道正病死
女聞計閉影縞纈自處母以微言喻之女不食亦不發
聲旣數年道正父欲迎女歸父母不忍曰姑徐之又十

餘年父歿父之弟獬私許蔡姓女卽夜起自縊家人持之得不死復自溺亦不死獬知不可奪乃絕蔡周族高其義聞之邑令閔心鏡閔召道正父使迎女歸旌其閭曰完節時年三十七矣女執婦禮甚謹哭道正於墓極哀獨居緝纊以終其身

董志稿

王貞女太僕卿宇之孫諸生述之女許字侍郎顧章孫同吉未婚同吉卒女卽去飾白衣至父母前不言亦不泣若促駕行者父母有難色使嫗告其舅姑舅姑掃庭內待之旣至拜柩而不哭歛容見舅姑有終焉之意姑含淚曰兒不幸早亡奈何累新婦女聞姑稱新婦淚下箴下遂留執婦道不去早晚跪奠柩前視姑眠食外輒

崑山新陽合志

卷三十一

列女

六

白屏一室雖至戚遣女奴候視皆謝絕曰吾義不見門以外人後姑病女服勤晝夜不懈及病劇女入候牀前出視藥竈往來再三若有所爲羣婢窺之而莫得其迹姑旣進藥則睡覺而痛立回呼女曰向飲我者何藥乃速愈如此欲執其手慰勞之女縮手有難進之狀姑惟起視已斷一指煮藥中矣姑嘆曰吾以天奪吾子常憂老無所倚今婦不惜支體以療吾疾豈不勝有子耶流涕久之後立同吉從兄同應子絳爲嗣卽炎武也崇禎九年詔旌其門及遭國變不食而卒年六十

明史參府志

曹文明妻張氏

吳之望妻李氏妾李氏

高紹金妻趙氏

呂成性妻陳氏

戴褒之妻顧氏

已崇禎年旌

王生妻范氏年十九嫁時生已得癩疾氏奉湯藥惟謹年餘夫卒無子氏矢志砥節雖凍餒或助之拒不受至老

里嫗未嘗見其一笑縣旌曰節同金石

董志稿

顧維翰妻吳氏太倉人維翰不事生產家徒壁立病死吳年三十有子五人少者在腹家無期功之戚饗殮不給或諷改節氏曰此禽獸之行我忍死以待諸孤耳後子

皆成立年七十兒饒盈門縣旌曰苦節可風

董志稿

管大年妻趙氏年十八嫁二十寡生子甫踰月以紡織資生俾其子成立年四十復死又撫其孫如子年七十三

崑山新陽合志 卷三十一 列女 十九

卒縣旌曰姆儀貞範

董志稿

鄭子方妻張氏未嫁時夫已有疾不能起氏聞而泣矢志無二父母義而嫁之凡十三日夫亡守貞四十二年卒

其妹嫁朱國鼎年二十六寡遺二孤家徒壁立守節至

年六十三卒縣旌鄭曰冰心玉節朱曰苦年畫荻

董志稿

陶性友妻衛氏年十八嫁先是陶隱其年之長且病以求婚於衛衛父不疑婚時陶已不任拜跪未半年死氏縊

而解者數四以姑命止姑孀民事之純孝姑病啜輒晝

夜不寐雖涕洟必手拭而口吮之姑歿乃撫叔之子而

子之性嚴親戚希見其面有病不就醫所居蓬戶人莫

聞其音聲足不出閭雖父母在必經歲始一歸寧至輒

反素未識字守節後凡儒釋之書皆朗朗知句讀年六十餘卒縣旌曰節義性成董志稿

姚起虞妻唐氏起虞苦志力學不遇嘔血死唐年二十七無子所生女在懷抱奉養舅姑拮据中外垂三十年邑令萬曰吉旌之曰代夫繼孝六十九歲卒董志稿

陸湘卿妻張氏新寧知州魯傳女年二十二湘卿卒氏慟不欲生以湘卿屬事生母乃強起撫其孤女自朔望問安舅姑外足不越閭又五年夢湘卿抱一兒來曰是當為我子旦而伯妣免身生男舅即命為湘卿嗣即庠生陸祚興也氏撫之成立乙酉秋生母龔歿適當多警氏以已送老之具殮焉呼祚興曰吾百苦一身今且弛擔

崑山新陽合志

卷三十一

列女

三

可下見而父矣年五十六卒董志稿

周存恒妻郁氏年二十夫亡存恒故姓王繼於周病亟用姓之點者令郁別舍欲存恒殯王氏墓郁攜孤縮寢地而陳靈几如是者十年卒依王氏晝夜繚續以活盲姑積所餘凡三十年翁姑與存恒乃克葬卒年七十三府志

孫世昌妻范氏少寡守節嘗割臂肉療姑病府志

陳生妻馮氏年十九夫亡生子甫三月忍飢操作撫孤子炤成立為諸生未幾炤又死苦節六十一年而卒通志

景運昌妻陳氏年十八嫁未替夫亡氏求死家人護持之氏曰我宜死者三舅姑有長子可終養一也已無子二也身出儒家知義理三也越十有八日自經初運昌病

氏父來視聞死頓足曰吾女死矣其見信如此董志稿 參府志

李貞女許字張晉蕃年十六晉蕃死女即縞素弗啼亦弗

言久之病作母稔其志女低徊沉嘆若欲令故媒通張

氏者張母遣婢來視女色喜已又沉歎如初病益劇於

是張母自來并與應嗣晉蕃者偕女歛容曰幸識吾姑

撫應嗣者頂取所御物授之遂不食積十六日死舊府志

周巷羅季倫妻董氏貌婉麗季倫死其友嵇一往唁見氏

心動遣嫗致慙慙告以無婦欲娶意氏大恚不答後嵇

一昏夜往犯氏氏持凳逐之擊破其首號泣自縊時崇

禎十四年五月十八日也氏兄質夫訟於縣縣不問而

嵇一竟以頭破死府志

崑山新陽合志 卷三十一 列女 三

顧升陞妻周氏冀州守鼎新女夫亡守志隨父母北宦次

吳城鎮遇盜有僕欲襁負之潛伏於柁氏勃然曰我何

人受若襁耶躍入水死府志

陸朝棟妻顧氏年二十五夫亡誓殉父母與姑共持之逾

百日絕粒死府志

陳志德妻龔氏志德病瘵遣謝龔翁翁欲諾而氏不可卒

嫁志德居八月志德死氏孕矣辟踊哀號數謀自盡姑

覺之與同寢處乃止生子逢生氏年六十卒

許承喆妻汪氏承喆死氏方娠日夜飲泣既生慕吉持之

哭盡哀已而姑病氏左右萬端竟不起乃日坐臥小樓

中課慕吉慕吉為諸生立門戶氏綉綴紡績與婢均勞

苦年五十二卒

陳允恭妻周氏年二十九夫亡守節四十餘年未嘗見齒環堵之室里嫗無識面者年七十客請以行間氏泣止之其子如斗乃不敢言

陸明孝妻全氏

周汝蕙妻孟氏年十七歸周時汝蕙繼其叔鳳來後孀姑趙性嚴刻號難事氏獨委曲得姑歡後族人以汝蕙之繼鳳來非序爭之告歸宗又事劉姑姑安焉汝蕙死無子本生兄弟以汝蕙曾出繼議產不及氏趙姑以汝蕙既歸宗亦不分產氏抱七歲孤女薪水不繼然事兩姑益謹問饋無缺如是者二十五年始議置嗣室如掃嗣

崑山新陽合志

卷三十一 列女

三

者自餬其口而已

府志參
微顯志

徐登瀛妻梁氏

諸生顧廷輔妻吳氏年二十九而寡盛年色艾族人欲奪其志氏提刀自髡其面守節終身

歸紹唐妻俞氏夫卒慟哭數絕強提二孤以事舅姑拮据卒瘠嗷嗷劑所欲以進姑憐慰之務爲好語謝姑弗令姑知不足也後舅姑壽終附身附棺皆出五指間更能銖積小產以遺二孤

微顯
志

戴霖妻盛氏生子應臣五歲而更娠霖遭危疾將不起與氏訣曰吾親老子幼若方娠何所遺而能守氏嚙斷一指指隣嫗曰親老析箸盡甕脫不滿十奈何氏復斷一指

霖遂暝及期生子名孝志哀慕也歲大稔糠粃弗續隣
嫗勸其鬻產以易饘粥氏大慟曰老婦提五歲在娠三
孤皆幸知耕作所恃報我夫於地下者先人之產而可
棄哉年八十三卒

沈堯薦妻薛氏能述女六歲失恃依外祖母以居十九嫁
二十寡家赤貧一子甫期能述不復聞問外祖母已卒
笑笑母子露處宵啼有媿嫁晉氏者收恤之晝夜縫績
影不踰幃凡二十年其子稍能授徒又數年乃克迎氏
媿家而氏病攣臂不可伸子亦尋痿據床訓誨無終月
計氏默默如平常

夏存所妻沈氏生二子夫亡家壁立子在襁褓氏撫育有
崑山新陽合志
卷三十一 列女
三
成太常墓樹爲墨吏所伐氏慨然曰婦人雖力不能止
然墓豈可無樹乎積女紅復植千株卒年七十九

